

求恕齋  
叢書

玉溪生年譜會箋

三

王谿生年譜會箋卷三

錢塘張采田編纂

吳興劉承幹參校

會昌四年甲子 義山三十三歲

正月乙酉朔河東將楊弁作亂逐太原節度使李石

壬子河東監軍使呂義忠收復太原擒楊弁盡斬亂

卒

原譜據舊紀

二月丁巳以河中節度使崔元式爲河東節度使石

雄爲河中節度使仍晉絳行營諸軍征討使

原譜案石雄

除河中舊紀在九月原譜據文苑英華元式雄授官合制攷雄統晉絳行營河中則任晚爲留後見會昌

一品集紀蓋據稹  
平雄赴鎮時書也

辛酉太原送楊弁與其同惡五十四人來獻斬於狗

脊嶺

原譜參舊紀  
通鑑在三月

三月汾州刺史李丕授晉州刺史充冀代行營攻討

副使

原譜參舊紀會昌一品集  
案李丕副石雄乃  
由汾改晉舊紀但書汾州誤集有行次昭應縣

道上

送戶部李郎中充昭義攻討詩李郎中李丕也

攷會昌

一品集授丕汾州刺史制已云忻州刺史兼

御史中丞

李丕職官志御史中丞正五品上階郎中

從五品上

階豈不出刺晉州又換郎中耶新書藩鎮

傳但云

不擢忻州刺史遷汾晉二州刺史大中初拜

振武節度使

徙鄜坊卒餘皆無攷大抵外使兼職史

多不載俟

再覈之

七月盧貞爲河南尹

陳直齋白香山年譜  
案馮氏曰白香山集有題府中水堂贈

盧尹中丞詩又會昌五年三月舉七老會河南尹盧  
貞年未七十與會而不及列又詔取永豐柳植禁苑  
感賦詩河南尹盧貞和宋陳直齋爲白公年譜謂是  
武宗末年事非宣宗初事又曰盧貞爲尹在會昌四  
年七月當有所據故編是年容再詳攷唐詩紀事  
貞字子蒙會昌五年爲河南尹本集賀上尊號表在  
五年正月而云臣幸丁昌運方守洛京則貞尹河南  
必在前陳說似可據香山七老會又有一盧眞字亦  
作貞前侍御史內供奉官年  
八十三與此盧貞非一人也

淮南節度使杜悰守尙書右僕射兼門下侍郎同平

章事仍判度支充鹽鐵轉運等使舊紀新書宰相表在閏七月壬戌

邢洺磁三州降詔石雄率軍七千人潞州原譜據舊紀

八月乙未昭義軍將郭誼殺劉稹以降澤潞五州平

戊戌王宰傳稹首與大將郭誼等一百五十人獻京

師原譜參  
新舊紀

戊申宰相李德裕守太尉進封衛國公原譜據舊紀  
參新書宰相

表

九月以前山南東道節度使盧鈞檢校左僕射充昭

義節度澤潞邢洺觀察等使原譜據  
舊紀

郭誼等與稹母裴稹弟妹從兄及李訓王涯韓約王

璠之親屬潛匿潞府者並斬於獨柳原譜據  
舊紀

以陳許節度使王宰充河東節度使易定節度使李

執方充陳許節度使舊紀參本集  
案王宰移鎮太  
原通鑑作十二月據金石續編

王宰靈石縣記石云嗣至四年八月十日梟逆首獻  
闕下至九月將歸許昌軍次溫縣天使持節至又授

寵詔遷鎮北門十月過此則舊紀不誤李執方除陳  
許史無明文攷集爲白從事上陳許李尙書啟云河  
橋三壘當弟子之興尸易水一城值將軍之下世中  
閒衛朔拒君邪沼起亂紀侯去國汾晉挺災又云今  
者趙北變風淮南受賜戎麾始至賓驛初開補編上  
許昌李尙書第一狀云況茲閒歲亟立殊勳虜帳夷  
妖壺關伐叛旁資巨拔遙藉聲言今者靈臺偃伯衢  
室歸尊永言台鉉之司合屬閒平之允第二狀又述  
茂元喪事云王十二郎十三郎扶引靈筵兼侍從郡  
君今年八月至東洛訖則執方之遷鎮正當澤潞初  
平時馮氏謂代王宰確不可易文苑英華有封敖授  
執方陳許節度使盧宏宣易定節度使合制而通鑑  
則書盧宏宣爲義武節度使於會昌五年正月正  
月似稍遲與王宰自記不合仍當以集爲據

十一月李紳守僕射平章事出爲淮南節度使

舊書  
紳傳

案新書傳居位四年以足緩不任朝謁辭位復節  
度淮南不詳何月舊紀及新書宰相表則書於七月  
攷集爲絳郡公上諸相啟皆在劉稹平後上史館李  
相公啟有今震瀛大定雨露滂流語史館李相公指

李紳監修國史則七月出鎮殊不足據今從傳又  
案紳之出鎮蓋代杜悰悰由淮南入相在七月舊紀  
似不應誤史館係宰相兼職此李相公或別是一人  
惟會昌中宰相姓李者紳之外則有李回李讓夷本  
傳皆不言其監修國史既  
苦無確證姑據舊傳書之

十二月牛僧孺貶循州長史

新傳參樊川集案杜牧之僧孺墓銘云李太

尉專柄五年自十月至十二月公凡三貶至循州員  
外長史新書僧孺傳劉稹誅而石雄軍吏得從諫與  
僧孺交結狀又河南少尹呂述言僧孺聞稹誅恨歎  
之武宗怒黜爲太子少保分司東都累貶循州長史  
李德裕自開成五年入相至是正五  
年則僧孺之貶在是年十二月也

是年周墀遷洪州刺史江西觀察使

新書墀傳參樊川集案舊書

傳書遷江西於會昌六年十一月攷紀會昌六年十  
一月以江西觀察使周墀爲義成軍節度鄭滑觀察  
等使是會昌末墀由江西遷鄭滑非由華州遷江西  
也會昌六年三月宣宗卽位補編上江西周大夫狀

所云岱北清夷山東靜謐皆武宗時事則堦爲江西  
自在六年之前新傳但云出爲華州刺史徙江西觀  
察使進拜義成節度使不書年杜牧之樊川集堦誌  
銘曰武宗卽位以疾辭出爲工部侍郎華州刺史李  
太尉德裕伺公纖失四年不得知愈治不可蓋抑遷  
公江西觀察使堦開成五年出爲華州以誌文四年  
數之則遷江西  
必在是年也

宣武節度使王彥威卒

參新舊書彥威傳酌書案  
彥威開成三年七月節度忠

武見舊紀及傳傳云會昌中入爲兵部侍郎歷方鎮  
檢校兵部尚書卒贈僕射新傳則云徙節宣武卒攷  
王茂元於會昌元年移忠武彥威入爲兵部侍郎當  
在其時其徙宣武及卒不詳何年本集義山爲絳郡  
公諸文皆在澤潞平後集有爲絳郡公祭宣武王尚  
書文云公昔分茅愚當視草於劉向論思之時贊孟  
舒長者之號及茲出守實介親鄰音徽繼好寤寐依  
仁何言永勳屬此嘉辰計哀如昨歸轍攸遵則彥威  
之鎮宣武在會昌二年李襲未出守時而卒  
於是年也馮譜列彥威之卒於二年無據

李褒為鄭州刺史

據本集酌書案集有鄭州獻從

人諸狀則李舍人名褒新書李讓夷傳載開成初起  
居舍人李褒免文宗謂李石云即其人又有為舍  
人絳郡公諸啟文新書世系表與聖皇帝子豫為武  
陽房孫寶之長子承姑臧房始祖次子茂燉煌房始  
祖曾孫成禮絳郡房始祖褒與義山同宗支故文稱  
從叔也據翰苑羣書重修承旨學士壁記褒開成五  
年三月二十日自考功員外郎集賢院直學士充其  
年六月轉庫部郎中知制誥會昌元年五月拜中書  
舍人十二月加承旨二年五月十九日出守本官本  
集上李相公啟云旋屬虜帳夷氛壺關伐叛絳臺北  
控有元戎大集之師鄭國東臨過列鎮在行之眾周  
旋二郡縣歷兩霜上史館李相公啟云洎分符竹使  
絕籍金闥一授專城再易灰琯上崔相公啟云絳田  
已非厥任榮波轉過其材褒之出守當在會昌二年  
五月後先刺絳州而後徙鄭州其徒鄭州必在三四  
兩年間而不能詳其為何時矣以代作諸文皆在是  
年附此又案補編上鄭州李舍人狀及上李舍人  
狀皆為李褒也惟上李舍人第一狀云及二十三叔

歸闕之時又云去冬二十八叔拜迎軒騎已託從者  
附狀起居又云自春又為鄭州李舍人邀留比月攷  
諸狀皆稱李褒為十二叔此稱二十三叔且有鄭州  
李舍人語則此李舍人必非李褒由舍人出刺鄭  
州罷官居洛見第七狀此李舍人則實官舍人也狀  
云今則假道選曹復登綸閣可以互證其先云固辭  
內廷屈典外郡者乃述其從前馭歷耳所稱二十八  
叔蓋此李舍人之弟亦與褒無涉當由韜永樂大典  
者以題中姓氏官號從同故類而編之不可不辨  
又案英華有授李褒號州刺史制當是褒後所歷官  
會稽掇英總集載唐會稽太守題名記李褒大中三  
年自前禮部侍郎除禮部尚書授六年八月追赴闕  
則褒在大中  
時頗通貴也

令狐綯為右司郎中

原譜據新書綯傳酌書案舊

郎漏書右司郎中新傳則書擢累左補闕右司郎中  
出為湖州刺史而漏書員外郎攷集寄令狐郎中詩  
有嵩雲秦樹語係會昌五年義山病居東洛時作而  
和絢湖州詩題亦云酬令狐郎中見寄則絢洵由右  
玉谿生年譜卷三

五求怨齋

司郎中出守惟不詳何年耳刺湖州爲會昌五年故從原譜載此

義山返故鄉營葬於楊弁平後移家永樂縣居

原譜參本

集

案是年蹤跡惟返故鄉營諸葬事及移家永樂見集中餘皆無徵大鹵平後移家永樂書懷詩隱約猝不易解宜馮氏游移不定也今再覈之詩云依然五柳在者以陶令閒居自比昔去驚投筆謂從前歷佐方鎮今來分挂冠謂此後自甘閒廢實則是時居憂義山躁進故有此言馮氏泥昔去今來語謂喪父時已卜居永樂前已駁之矣甌破甌迴顧指李石太原被

逐舟沈豈暇看指茂元卒於河陽未及哭送或當時  
李石曾招游太原遇變不果故有脫身離虎口句或  
引此二事爲例作幸詞以自慰藉意亦可通馮氏疑  
爲李石幕官遭亂遽罷時正在母喪中恐未然也若  
喜聞太原同院崔侍御臺拜詩此太原同院必係指  
太和六年令狐楚幕不得附會李石馮氏又引續西  
陽雜俎北夢瑣言永樂有李石宅事亦與入幕不細  
符要之幕僚皆由辟置唐時無居喪服官者列傳中  
可攷豈義山獨放於禮法之外哉

吾友曹元忠云唐  
六典注遭喪被起

在朝者各依本品著淺色純縵周已下慘者朝參起  
居亦依品色無金玉之飾是居喪服官唐人不嫌然

攷之唐書奪情起復藩鎮多有六典所  
言亦係專指常參官幕僚實不多見也  
此譜中歧異之處故詳辨之終苦無顯證豁然耳

編年詩行次昭應縣道上送戶部李郎中充昭義攻

討箋曰此必自京移居永樂時道中所贈昭應本會昌縣京兆府屬惟李丕已加御史中丞而此云戶

部郎中殊出關宿盤豆館對叢蘆有感箋曰此詩頗難徵實四句

似喪母後意境岑參集有夜宿盤豆隔河大鹵平後望永樂寄閨中詩必移居永樂時作也

移家到永樂縣居書懷十韻寄劉韋二前輩二公嘗

於此縣寄居登霍山驛樓箋曰永樂近境遊覽之作時澤潞未平故有結

聯戲題贈稷山驛吏王全自注全為驛吏五十六年人稱有道術往來多贈詩

章馮氏曰元和郡縣志絳州屬縣稷山因縣南稷過山為名此與霍山驛樓詩皆似太原往來之作

姚孝子廬偶書

徐湛園云邵氏聞見錄唐永樂縣姚孝子莊孝子名栖筠貞元中父戰歿

栖筠方三歲其後母再嫁鞠於伯母伯母死栖筠葬之又招魂葬其父廬於墓側終身哀慕不衰縣令刻石表之河東尹渾城上其事詔加優賜旌表其閭姚孝子必即其人馮氏云義山喪母未久故觸緒成篇

題道靖

一作靜又作淨

院院在中條山故王顏中丞所置號

州刺史捨官居此今寫真存焉

箋曰永樂縣有道淨院文宗時道士鄧太

元鍊丹藥於院中見宣室志中條山即雷首山在永樂新書地理志永樂屬河中後又隸虢州神龍元年復故徐氏云英華有權德輿中嶽宗元先生吳尊師集敘云太原王顏常悅先生之風自先生化去三歲顏為御史中丞類斯奉同諸公題河中任中丞新創遺文上獻即此人

河亭四韻之作

箋曰河中任中丞即河東留後任曉晚蜀人元和十年進士第見沈亞之

集

靈仙閣晚眺寄鄆州韋評事

箋曰韋評事當即韋潘前輩以曾在永樂

寄居故詩寓招隱之意靈仙閣在  
永樂縣見太平廣記所引傳奇  
寄和水部馬郎中

題興德驛時昭義已平

箋曰興德驛卽興德宮在同州馬郎中當自京暫來永樂

因有此作而義山迎而和之故  
首句云然非馬自永樂還朝也  
菊馮氏云三四是罷官家居結望入朝

和馬郎中移白菊見示

所居箋曰詩寫閒適之景是永樂退居所作

秋日晚思

箋曰詩云忘名實則正未能忘故有結語前半皆狀閒居景況初列病廢鄭州時然

彼時似無此傲岸  
氣象今仍從馮編

四年冬以退居蒲之永樂渴然有

農夫望歲之志遂作憶雪又作殘雪詩各一百言以

寄懷於遊舊

喜雪

馮氏云略有寄意四五聯閒居之景七八聯兼閨中人言之結

慨不得在

隋宮守歲

箋曰此亦艷羨內省之詩非寓意令狐也前半想像結言不得

置身其中誓不重來京師也通鑑中宗景龍二年十二月晦勅中書門下與學士諸王駙馬入閣守歲設

庭燎置酒奏樂其後當爲例典義山時方閒居故聞而賦之首曰消息東郊其作於永樂乎蒲在西京東北三百里亦可謂之東郊若洛中則會昌五年十月已服闋入京無此情事矣惟守歲之事江左已然見胡三省注通鑑所引庾肩吾除夕應令詩此題曰隋宮未詳

編年文祭處士房叔父文 祭小姪女寄寄文 祭

裴氏姊文 爲裴懿無私祭薛郎中袞文馮氏云徐氏采宰相

世系表太子舍人裴懿而疑無字爲衍文不悟世次之太遠也今檢表有裴衡字無私憲宗相均之弟輩而思謙之兄輩也思謙當卽見唐摭言開成時科第事者時次似可合而本集有寄裴衡詩疑卽此無私也史傳劉從諫之妻裴氏爲代宗相冕之裔其父敞則裴與昭義爲親戚矣題中懿字亦非衍文蓋裴與薛是戚懿或與義山亦有戚懿新書傳通鑑劉稹叛時賊將薛茂卿破科斗寨擒河陽馬繼等四大將火十七柵距懷州纔十餘里以無劉稹之命故不敢入後以冀厚賞失望乃密與王宰通謀茂卿入澤州密

召幸進攻當為內應幸疑不敢進稹知之誘茂卿至  
潞州殺之并其族朝廷贈茂卿博州刺史事在會昌  
三年秋冬也此薛郎中者必茂卿兄弟因聞茂卿為  
賊用故憂懼而死文云翟虜氛興殷楹夢起是也其  
族為劉稹所害故曰殄濯宗傾王氏也裴之遠謫當  
亦有所牽累新書傳通鑑裴氏弟問為稹守邢州密  
謀歸國閉城斬城中大將四人請降於王元逵玩稍  
脫疑網猶羅罪罟二語似可推見也所箋雖無明證  
而大要必然矣案全唐文載劉三復請誅劉從諫  
妻裴氏疏云雖以裴問之功或希減等而國家有法  
難議從輕此疏當會昌四年澤潞平後似可與為李  
稍脫疑網二語參證則祭文亦必同時作也為李  
貽孫上李相公德裕啟馮氏云此啟是楊弁已誅劉  
所上故尚稱司徒且為白從事上陳許李尚書啟馮  
有景風中呂之語云李尚書上許昌李尚書狀  
云李尚書上許昌李尚書狀一編上許昌李尚書狀  
執方也

二補祭外舅司徒公文

補編案據上許昌李尚書狀  
云王十二郎十三郎扶奉靈